

Joel

Anututä Juda äbotta komi yämikta man

Joel 2:12-19

Bäneppjin äyänurur

¹² ^a Yawetä ñode yäyak; Yäke, in ñodetä nak jop itkañ konäm butewaki tänpäj bänepjin yäpmäj äyänutinik tänpäj näkken äneñi äbut. ¹³ ^b Momijinta nadäwä wakiinik bureni tänpäwä tekjin jop nämo weñgaräneñ. Nämo, bänepjinpäj weñ äreyäwut! Ude tänpäj Yawe Anutujinken äneñi kut. Nadäkañ? Yawe uwä orakorak, butewaki mähemi. Kokwawak bäräneñ nämo nadäk täyak. U iniken ämawebenyeta nadäj yämikinik täk täyak. Täñkañ bäräpi yämikta bitnäk täyak. ¹⁴ Unita uken äneñi kut. Uken kuñirä kokwawak nadäj tamik täyak u peñpäj butewaki nadäj tamiñpäj iron tañi käwep api tamek. Ude täñ tamayäj täyak uwä ketem ba wain ume kañ-ahänpäj Yawe Anutujinta iron ude täga api peñ imineñ.

¹⁵ Unita momijinta yänpäj käbeyä kudupi tänpäj nak jop itta Saion pom terak womat piäwut. ¹⁶ Tänpäj ämawebe yänpäbä kubäkengän yepmañpäj Anutu gwäjij äpmon imikta yänahänpäj yäwerut. Ämawebe ekäni ba ironiroñi, ba nanak paki nonoñken irani u kudup käbeyäken ahänpäj itneñ. Ba yanäpi kodaki imaka, eñini peñpeñ äbä bok irut. ¹⁷ Äbä irirä bä mop äma, Yawe iñamiken watä epän täk täkañ u kudupi yot täño yäma ba bukä u bä mopiken konäm butewaki tänpäj yänapik man ñode yäneñ;

O Yawe, gäk äma äbotkaye ninta butewaki nadäj nimi.

^a 2:12 Jna 3:5-8; Apos 26:20; Jem 4:8-9 ^b 2:13 Sam 51:17, 86:15, 145:7-9; Jna 4:2; Mat 5:3-4, 6:16-18; Rom 2:4; Efe 2:4

Nibä kätänjiri äma komeni komenitä nibäwä jiraŋ ude tänpäpän
yänärok niwetpäŋ nibän mägayänpäŋ ŋode nämo niwetneŋ;
Anutujin de?

¹⁸ Ude tänayän täŋo uwä Yawetä komenita nadäwätäk tänpän
ämawebeniyea butewaki api nadän yämek. ¹⁹ Butewaki nadän yämiŋpäŋ
ŋode api yäwerek; Eruk, ketem, wain ume ba olip gakŋi bumta tama
naŋ tokŋek api täneŋ yäk. Näk tabä kätänjira äma komeni komeni u
bämopiken kuŋarirä äneŋi nämoinik api taniŋ wärätneŋ.

Joel 2:28-32

Yawe täŋo kadäni pähap

²⁸ ^c Anututä ŋode yäyak; Kämiwä Munapikna ämawebe kuduŋtagänta
kireŋ yämiŋjira kudän mebäri mebäri api pewä ahäneŋ yäk.

Äpetjiye nanakjiyetä näkŋo mena jinom yäpmpäŋ api yänahäk
täneŋ.

Ba äma tägawanitä näkŋo kudän dämpmonken api yabäk täneŋ.

Ba äma gubaŋjijiyetä dämpmonken kudän kudupi api käneŋ.

²⁹ Bureni, kadäni uken näkŋaken Munapik äma täŋo piä watä
ämawebe terak imaka, api piŋ yäbaret yäk.

³⁰ Täŋkaŋ kepma u nämo ahänjirän intäjukun kaŋpäŋ nadäkta näk
kudän kudupi mebäri mebäri kunum gänaŋ ba kome terak api
pewa ahäneŋ yäk.

Nägät, kädäp mebet, ba gupe pähap api ahäneŋ yäk.

³¹ Yawe täŋo kadäni umuri pähap u nämo ahänjirän edaptä bipmän
urani api täŋpek. Ba komepaktä nägätgämän ude api peŋyänjeweŋek.

³² ^d Täŋpakaŋ kadäni uken ämawebe Yawetä täŋkentän yämikta gera
yänayän täŋo u kudup api yämagurek.

Bureni, Yawetä ŋode yänkuko udegän api ahäwek; Jerusalem
ämawebe ätu uwä säkgämän itta iwoyänjkuro unita nämo api
paotneŋ.

^c 2:28 Jon 7:38-39; Apos 2:2-4,16-18,33, 10:44-47 ^d 2:32 Sam 50:15; Apos 2:21, 15:17;
Rom 10:11-14